

НА ЛИТУРГИИ.

Изобразительная, блаженна, глас 1:

Снедию изведе из рая враг Адама: Крестом же разбойника введе Христос вонь, помяни мя, зовуща, егда приидеши во Царствии Твоем.

Стих: Блажени чистии сердцем, яко тии Бога узрят.

Покланяюся страstem Твоим, славословлю и Воскресение со Адамом и разбойником, со гласом светлым вопию Ти: помяни мя Господи, егда приидеши во Царствии Твоем.

Стих: Блажени миротворцы, яко тии сынове Божии нарекутся.

Распялся еси безгрешне, и во гробе положился еси волею: но воскресл еси яко Бог, совоздвигнувый Себе Адама, помяни мя, зовуща, егда приидеши во Царствии Твоем.

Стих: Блажени изгнани правды ради, яко тех есть Царство Небесное.

Храм Твой телесный тридневным Воскресивый погребением, со Адамом, и иже от Адама, воскресил еси Христе Боже: помяни нас зовущих, егда приидеши во Царствии Твоем.

Стих: Блажени есте, егда поносят вам, и ижденут, и рекут всяк зол глагол на вы лжуще Мене ради.

Мироносицы приидоша плачуща, на гроб Твой Христе Боже, зело рано: и в белых ризах обретоша ангела сидяща, что ищите? зовуща. Воскресе Христос, не рыдайте прочее.

Стих: Радуйтеся и веселитесь, яко мзда ваша многа на небесех.

Апостоли Твои Господи на гору, аможе повелел еси им, пришедше Спасе, и Тя видеvше поклонишася. Ихже и послал еси во языки учити и крестити я.

Слава: Троицен: Отцу поклонимся, и Сына славословим, и Пресвятаго Духа вкупе воспоем, зовуще и глаголюще: Всесвятая Троице, спаси всех нас.

И ныне: Матерь Твою приводят Ти в молитву, людие Твои Христе: мольбами Ея щедроты Твоя даждь нам Благий, да Тя прославляем, из гроба нам возсиявшего.

ТРОПАРЬ ВОСКРЕСЕН, ГЛАС 1:

Кáмени запечатану от иудей,/ и воином стрегущим Пречистое Тело Твое,/ воскресл еси Тринедневный Спасе,/ даруяй мiрови жизнь./ Сего ради силы небесныя вопияху Ти Жизнода́вче:/ Слава Воскресению Твоему́, Христé:/ слава Царствию Твоему́:// слава смотрению Твоему, Едине Человеколю́бче.

КОНДАК ВОСКРЕСЕН, ГЛАС 1:

Подобен: Егда приидеши:

Воскрéсл еси яко Бог из гроба во сла́ве,/ и мир совоскресíл еси,/ и естество́ человеческое яко Бога воспева́ет Тя,/ и смéрть исчезé:/ Ада́м же ликует Влады́ко,/ Ева ныне от уз избавля́ема/ радуется зову́щи:// Ты еси, Иже всем подая Христе воскресéние.

Прокимен, глас 1: Буди, Господи, милость Твоя на нас, якоже уповахом на Тя.

Стих: Радуйтесь праведнии о Господе, правым подобает похвала.